

আলেপ্পো কখনো ভুলে যাবে না

ভুলে যাবে না মাত্র ত্রিশ মাইল দূরে থেকেও

কানে তালা লাগিয়ে তামাশা দেখা তুর্কিদের

ধ্বংসস্তূপ আর মাসুম বাচ্চাদের ছিন্নভিন্ন শরীরের বিপরীতে তোমাদের হাসি, লোকদেখানো আলোচনা, চুক্তির মিথ্যে আশ্বাস

ভুলে যাবে না জালিমের পদলেহনে ব্যস্ত আর সিংহাসনের লোভে মত্ত আরবদের

ভুলে যাবে না তোমাদের ট্যাংক, জেট, রাইফেল, গুলি আর বুটের আওয়াজ

যা ব্যয় হয়েছে শুধু প্যারেডে আর বিলাসিতায়।

ভুলে যাবে না পক্ষঘাতগ্রস্ত উম্মাহর যুবকদের

ভুলে যাবে না আলেমদের এই করুণ নীরবতা

যা ছাড়িয়েছে জালিমদের জুলুমকেও।

ভুলে যাবে না কেন শহরের রাজপথগুলো গণজোয়ার ভেসে যায়নি

কেন আলেমরা সেখানে অগ্নিস্ফুলিঙ্গ জ্বেলে দেয়নি,

কেন উম্মাহ তাঁর ইজ্জতের সম্মানে ঝাঁপিয়ে পড়েনি।

এই শহর কোনোদিনও ভুলে যাবে না যে অস্ত্র তাঁর পাওনা ছিল

তা সে পায়নি

যে সাহায্য সে চেয়েছিল

কিন্তু সেখানে পৌঁছেনি

তাঁর ব্যথাতুর কান্না

যা কাউকে স্পর্শ করেনি

তাঁর আত্মচিৎকার

যাতে কেউ কর্ণপাত করেনি।

সে কখনো ভুলবে না...

আর ভুলবে না আমাদের রব...

\*\*\*

وَمَا كَانَ رَبُّكَ نَسِيًّا

"....এবং তোমার রব কখনো ভুলে যান না" [সূরা মারিয়ামঃ ৬৪]

\*\*\*

কবিতা: আলেপ্পোর জন্য

২৯ নভেম্বর, ২০১৬